

REGIONAL NEWS BULLETIN

HEADLINES (MORNING)

1. Chief Minister Pu Lalduhoman kum 2036 ah India in Olympic a thlen turah ram aiawh thei tura Mizo te chher chu an tum ber a ni tih a sawi.

2. Home minister K. Sapdanga chuan Krismas leh Kumthar lawm tura theihtawpa in buatsaih mek Mizo mipui te chu halpuah hal lo turin a ngen.

3. Prime Minister Narendra Modi chuan India ram dan pui constitution hi kan inpumkhatna a tan a ban pawimawh taka nih thu a sawi.

<><><>

CM

Chief Minister Pu Lalduhoman kum 2036 ah India in Olympic a thlen turah ram aiawh thei tura Mizo te chher chu an tum ber a ni tih a sawi.

Thenzawl, Lothazawl playground-a Pu B. Lalchhanzova, Minister nu leh pa Pu B. Lalthuamliana leh Pi Rohnuni te hriatrengna Football Tournament kharna nimina a hmanpuinaah he thu hi sawiin, Chief Minister chuan Olympic ah Mizo thalaite India aiawha an tel ve ngei theih nan Vision 2036 an kalpui a ti a, Olympics Discipline, an lo inpuahchah ve theihna kawngah an inpuahchah nasa dawn a, kan naupang, talent nei te zawn chhuah a, training pek a, India aiawh thei tura chher chu an tum ber a ni a ti.

Chief Minister chuan, Thenzawlah MLA fund leh fund dangte hmangin Indoor Volleyball Stadium din an tum mek a ti a, Community Hall pawh an theih angin an ngaihtuah zui ang a, Football house an dil te pawh a kawng an zawng dawn a ni, a ti. (DIPR)

<><><>

HOME MINISTER

Home minister K. Sapdanga chuan Krismas leh Kumthar lawm tura theihtawpa in buatsaih mek Mizo mipui te chu halpuah hal lo turin a ngen leh.

Aakashvani Aizawl News zawhna chhangin Pu K. Sapdanga chuan kum dangah chuan halpuah hal khapna thupek chhuah tlai deuh thin a nih vang te, mipui tanrual tawk loh vangte in khapna thupekin zawn a hlawh lo deuh thin niin a lang a, kuminah chuan September ni 9-ah khap thu rel a ni a, chumi hnuah chuan uar taka puanzar a nih avangin a hlawhtlin pawh a beisei awm, a ti.

Home Minister chuan, halpuah hal khapna dan bawhchhiate chu BNS Section 223 hmangin kum khat thleng lung-in tan leh Rs 5,000 thleng chawitir theih a ni, a ti a; tun tuma khapna thupek hian halpuah, halmawi, meithallawn (sky lantern), silai lem mu nei chite a huam a ni, a ti.

Pu K. Sapdanga chuan kum tin halphuah leh halmawi hal avangin hri a leng ni a sawiin, hal nasat kum apiangin thi pawh an tam thin tih chhinchhiah a ni, a ti a. Halpuah leh halmawi avanga thi an awm lohna tur te, damlote tan phurrit siam a nih lohna tur leh, boruak chhia siam belh a nih lohna turin tanrualpuiah mi tin a sawm a ni.

Sorkarin halpuah hal a khap hi Central YMA pawhin a thlawp a. CYMA General Secretary Prof Malsawmliana chuan, branch tin hnenah hma la tura ngenna an sem tih a sawi a, halpuah hal that lohzia thuзиak chi hrang hrang pek chhuah niin, mahni branch information center atanga tlangau turin an ngen bakah chhungtin hnenah lehkha sem turin an ngen a, branch thenkhat chuan kawng dungah te thu ziak tarin hma an la bawk, tiin kan Corr a hrilh.

(CORR)

<><><>

KRISMAS

Mizo kristiante hunpui Krismas chu chawlhkar khat vel lekin a dang tawh a, nimin inrinni khan Krismas chakkhai lam khawmin mipuite an inbuatsaih nasaa, District hrang hrangah te khawpui a lunin, bazar hmunpui te a tawt viau tawh a ni.

Lungleiah chuan Krismas inbuatsaihna kalzelah Super Market chu sak that mek anih avangin market kawtzawl ah leh Agriculture building ah a theih angin sumdawng ten thawmhaw

leh chawhmeh an zuar a, bazarna hmunpui a chep avangin chetvel a harsa in a remlo hle ni a thudawn a ni.

(BYTE)

Lunglei leh a chhehvel atangin chawhmeh zuar leh chakkhai zawng an thleng tam tan hle tih kan corr chuan a sawi a, sumdawng te sawi danin Ni za inhlawhna a bo avangin inhralh har an tih thu an sawi bawk a ni.

Khawzawl ah chuan mipuite Krismas boruakin chiah mahse sumdawnna dawr leh barzar lam a la reh ang reng hle a, krismas chakkhai lam mipui hmuh tur an la tam lo hle a ni.

Hetih lai hian veng thenkhatte chuan an veng khawlai dung an chei chho mek zel a, kawn leh khawlai chei pawh kum dang aiin an uar lutuk dawn lo niin a lang a, sokar department lam pawh pahnih khat tih loh chu a nawlpuiin mahni office chei an awm meuh lo a ni.

Krismas lo thleng tur urlawkna Naupang Carol Service chu Presbyterian kohhran buatsaihin zirtawpni zan khan Mizoram hmun hrang hrangah hman a ni.

Mizorama kohhran lian Presbyterian chuan ram pumah a ruala hman tura a rel angin Zirtawpni zan khan hman a ni a, Sunday School naupang ten anmahni kohhran theuhah hmangin zai leh lamin Pathian an fak a, Lal Isua pian dan lantirna lemchan entir an awm bawk.

<><><>

SUPPLY

Food, Civil Supplies & Consumer Affairs Minister Pu B. Lalchhanzova'n krismas leh kumthar vuakvet atan Mizoramah buhfai dahkhawl a tam tawk tih a sawi.

Akhashvani Aizawl News zawhna a chhan danin Pu B Lalchhanzova chuan, buhfai chhekkhawl chungchangah harsatna lian tham thleng a awm lo a ti a, tun hnai khan Bairabi-ah Transformer kang a awm avangin harsatna tenau deuh chu thleng ve mah se buaina lian a awm lo niin a sawi.

Supply Minister Lalchhanzova chuan Food Corporation of India (FCI) atangin buhfai lakluh zel a ni a ti a, hei bakah hian mipui mamawhna avangin hmun dang atanga lakluh a ni a ti bawk a, hun pui lo thleng tur atan bufaia buaina awm lo turin Mizoram sorkar a inbuatsaih tih a sawi bawk a ni.

(CORR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve ah Chanchinthar hi puan leh a ni ang.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve ah Chanchinthar hi puan leh a ni ang.

<><><>

FALKLAND

Aizawl Falkland Local Council huaihawtin Falkland khawtlang chuan, an veng chhung kawng chu khawtlang hruaitu leh mipui ten hnatlangin an siam.

State highway ni bawk -World Bank road chhim lam mamawh chawk luhna ber chu, kawng zatve zet a tla hniam a, he lai hi falkland LC leh all NGO te nen, DC leh PWD hotute hovin vawi engemawzat enin an sawikhawm tawh a, Nimahsela vawin thlengin siam that a nih loh avangin chhiatna nasa zawk a thlen loh nan mi tlawmngai leh inphal te sum thawkhawm hmangin an siam ta a ni.

Falkland kawngpui tlahniamah hian Two wheeler te tun lai hian chesual nasa hle niin MNF Party thuchhuah chuan a sawi a ni.

(PR)

<><><>

PRIME MINISTER

Prime Minister Narendra Modi chuan India ram dan pui constitution hi kan inpumkhatna a tan a ban pawimawh taka ni a, India ram chu hnam hrang hrang awm khawm na ani a chu chu India danglam na poh ani bawk ati. Pu Modi chuan BJP sorkar policy chu ram leh hnam inpumkhat na leh tichak tu a nih zel theih nan hma an lak zel tur thu a sawi bawk. He thu hi nimin khan lok sabha ah India ram dan pui(constitution) kum 75

chhung kan lo hman tawh na zinkawng ropui tak chungchang sawi ho na bik neih naah a sawi ani.

Pu Modi chuan sorkar in uniform civil code kalpui a tum thu a sawi a, a chhan chu hei hian India ram danpui siam tu te hmathlir a ti hlawhtling dawn ani ati. Hemi chungchang ah hian constituent assembly chuan hun rei tak ngaihtuah na seng in an lo sawi ho tawh tih sawiin,sorkar chuan ucc hi kalpui ngei a tum thu a sawi bawk a, NDA sorkar chuan secular ucc rawn thlen tumin hma lak mek thu a sawi bawk.

(Newsonair)

<><><>

PM New Delhi

Prime minister Narendra Modi chuan nimin khan New Delhi a neih mek national conference of chief secretaries chu a kaihruai a. Pu modi hian vawiin ah conference ah thu a sawi dawn a ni. He conference hi ni 3 awh tur niin state hrang hrang ah hmasawn na rual tlang tak a a kal theih dan tur leh state te nen a tha tak an thawh ho na tur leh hmalak dan tur te an rel. He conference in a tum ber chu state sorkar leh central sorkar pahnih te thawh hona chak leh tha tak neih tir a hmasawn na chak zawk nei tur a thawh hona tha zawk siam chu a ngaihpawimawh ber ani. Conference chhung hian state tin leh union territories a chief secretaries, senior officials te leh mithiam bik te sawm vek an ni a,

Chief secretaries Conference hi central leh state sorkarin kar ah inlaichin na tha tak siam na tur a tan a Pu Modi hmalak na pawimawh tak ani. He national conference vawi li na thupui hi "promoting entrepreneurship, employment and skilling-laverage and demographic dividend" niin entrepreneurship,employment leh kut themthiam na lam te tih hmasawn na tur niin state leh UT hrang hrang te a huam vek bawk ang. Thupui 6 a bik takin ngaihpawimawh ani dawn a chung te chu thilsiam chhuah te,service,Rural Non-farm,renewable energy leh circular economy ah te hmalak na chak zawk kalpui ani dawn a ni.

(News on air)

<><><>